



# COMUNE DE ROMANA

## DELIBERATZIONE DE SU CONSÌGIU COMUNALE N. 31 DE SU 12/11/2020

OGGETTO: RENNOU DE SA CUNVENTZIONE DE SEGRETERIA COMUNALE TRA SOS COMUNES DE OTIERI E ROMANA

S'annu duamìgia binti sa die dòighi de su mese de Santandria a sas oras 15:30, ÀULA de su CONSÌGIU, a pustis de avisu de cunvocatzione regulare, chi cuntenit puru s'elencu de sos afares de trattare, notificadu a sos Consigeris in càrriga de su Comune e publicadu in s'Albu Pretòriu de su Comune matessi in sos tèrmines de lege, s'est riunidu in sessione istraordinària pùblica de prima cunvocatzione, su Consìgiu Comunale, de su cale a s'apellu resurtant:

<b>SAMBENADU E NÙMENE</b>	<b>PRESENTE</b>
D.SSA CATTE LUCIA	EMMO
CHESSA MASSIMO	--
FRASSETTO ANGELA ANDREA	EMMO
MELONI PIETRO	EMMO
ORGOLESU VALENTINA	EMMO
SANNA GIOVANNI ANDREA	EMMO
PISANU DARIO	EMMO
SECHI MASSIMILIANO	EMMO
SERRA DAMIANO	EMMO
SERRA FRANCESCO	EMMO
SOLE VALERIA	EMMO

Presentes n° 10 Ausentes n° 1

Partètzipat su Segretàriu Generale DOT. CARTA GIANCARLO, su cale providit a sa redatzione de su verbale presente.

Essende legale su nùmeru de sos interbènnidos, su Sìndigu D.SSA CATTE LUCIA, in sa calidade sua de Presidente, leat sa presidèntzia e deccarat aberta la setziada pro sa trattatzione de s'ogetu marcadu subra.

## SU CONSÌGIU COMUNALE

**Premitidu** chi s'art. 97 de su Decretu Legislativu n. 267/2000 previdit chi in s'àmbitu de s'Organizatzione de s'Ente Comune òperat e acumprit a sas funtziones pròpias unu Segretàriu titolare dipendente de s'Agentzia Autònoma pro sa gestione de s'Albu de sos Segretàrios Comunales e Provintziales;

**Evidenziadu** chi s'art. 99 de su matessi Decretu Legislativu n. 267/2000 reconnoschet in capu a su Sindigu su còmpitu de protzèdere a sa nòmina de su Segretàriu Comunale;

**Atesu** chi sa normativa subra torrada a cramare reconnoschet in capu a sos Comunes puru sa possibilidade de stipulare conventziones pro s'Ufitziu de Segretàriu Comunale comunichende nde sa costituzione avènnida a sa Setzione Regionale de s'Agentzia Autònoma de sos Segretàrios Comunales e Provintziales;

**Bidu** s'art. 98, comma 3 de su D. Lgs. 267/2000 e s'art. 10 de su D.P.R. n. 465/1997 chi previdit sa possibilidade pro sos Comunes, chi ant sas sedes issoro cumpresas in s'àmbitu territoriale de sa Setzione Regionale de s'Agentzia matessi, de stipulare tra issos, conventziones pro su servitziu de Segreteria;

**Bidu** s'art. 10, comma 2, de su torrada a cramare D.P.R. n. 465/1997, in cunforma a su cale sas conventziones stipuladas intre Comunes pro s'ufitziu de Segretàriu Comunale devent istabilire sas modalidades de acumprimentu de su servitziu, individuende su Sindigu cumpetente a sa nòmina e a sa rèvoa de su segretàriu, determinende sa partzidura de sos òneres finantziàrios pro sa retribuzione de su segretàriu, sa durada de sa conventzione, sa possibilidade de retzessu dae parte de sos Comunes e de sos òbligos e garantzias pari-pari;

**Leadu atu** chi cun sa deliberatzione n. 150 de su 29.7.1999 su Consìgiu de Amministratzione de s'ex Agentzia Autònoma pro sa gestione de s'Albu de sos Segretàrios Comunales e Provintziales, at disciplinadu sa protzedura e sas modalidades de costituzione de sas conventziones de segreteria comunale;

**Leadu atu** chi deliberatzione imbeniente n. 164 de su 27.7.2000 su Consìgiu de Amministratzione de s'ex Agentzia Autònoma pro sa gestione de s'Albu de sos Segretàrios Comunales e Provintziales at esprìmidu comente indiritzu, chi sas conventziones pro s'ufitziu de segreteria, siant stipuladas a manera tale de cunsentire a su segretàriu s'efetivu acumprimentu de sas funtziones prevididas dae sa lege, in su rispetu de sos printzìpios chi presedent a s'andamentu bonu de s'amministratzione pùblica, e puru de sos printzìpios de adeguatesa organizativa de sos Entes interessados a sa conventzione;

**Cunsideradu** chi sa conventzione de segreteria tra sos Comunes de Otieri e Romana, s'ischema suo est istadu aprovalu cun deliberatzione pretzedente de su Consìgiu Comunale n. 3 de su 21.01.2020, est lòmpidu a iscadèntzia naturale a congruida de su mandatu amministrativu 2015/2020 de custu Comune, a manera imbeniente a su cale s'est a manera regulare protzèdidu a s'eletzione de su Sindigu e de su Consìgiu Comunale nou pro su mandatu

2020/2025;

**Torrada a cramare** sa nota prot. 7586 de su 03.02.2014 de sa Prefetura de Casteddu-Ufitziu territoriale de su Governu-Albu de sos Segretàrios comunales e provintziales, setzione Regione Sardigna, chi cuntenit sas indicatziones subra de sas protzeduras de adotare a segunda de sas ipòtesi chi si verifichent in casu de cunventziones de segreteria;

**Dadu atu** chi a pustis de accordos fatos intre sos entes respetivosi, sos Comunes de Otieri e de Romana, chi sunt in s'àmbitu de sa matessi Setzione regionale de s'Agentzia, ant istabilidu de rennoare sa cunventzione pretzedente pro sa gestione assotziada de su servitziu de Segreteria Comunale;

**Cunfirmadu** chi, pro mèdiu de sa gestione assotziada de su Servitziu de Segreteria Comunale, in sos tèrmines subra indicados, podent èssere garantidos e assicurados totu sos acumprimentos e sas incumbèntzias chi, in base a sa normativa vigente, fagherent capu a su Segretàriu Comunale;

**Valutadu**, pro su restu, chi dae s'acumprimentu, in forma de cunventzione, de su servitziu de segreteria comunale derivat puru dae una ridutzione de s'ispesa chi gravat subra de su bilàntziu comunale;

**Valutadu**, puru, chi sa cunventzione rispondet de su totu a rechisidos de fatibilidade in cantu sas modalidades concretas de acumprimentu de su servitziu in issa cuntènnidas, sa distàntzia territoriale de sos entes interessados, e puru s'assimigiu de sos interessos econòmicos e sotziales de sos matessis, s'istrutura de sos Ufitzios e de sos Servitziis de sos entes interessados, assigurant a su Segretàriu Comunale s'acumprimentu de su ruolu e de sas funtziones in ogni ente;

**Cunsideradu** chi s'istitutu de sa cunventzione pro s'esertitziu comune de su servitziu de segreteria comunale resurtat in linia cun s'istitutu de s'assotziatzionismu de sas funtziones tra sos Entes Locales, in su respetu de s'autonomia organizzativa e amministrativa de sos Comunes, comente prevididu dae s'art. 3 de su D.Lgs. 267/2000 e mm.ii.ii.;

**Apretziadu** oportunu dèvere formalizare su rennou de sa cunventzione pro sa gestione in forma assotziata de su servitziu de segreteria comunale intre sos duos Entes, sena fàghere modificas a sa cunventzione pretzedente;

**Pretzisadu** chi a in intro de sa cunventzione su Segretàriu Comunale at a sighire a prestare s'atividade professionale pròpia pro su 75% in su Comune de Otieri e pro su 25% in su Comune de Romana, cun partzidura corrispondente proportzionale intre sos duos Entes de sas ispesas relativas;

**Dadu atu** chi at a èssere cunfirmadu su Comune de Otieri cale Comune capu cunventzione;

**Bidu** su decretu Legislativo n. 267/2000;

**Bidu** s'art. 15 de su D.P.R. n. 465/1997;

**Bida** sa deliberatzione de s'ex Consìgiu Natzionale de Amministratzione de s'Albu n. 150 de su 15 de trìulas de su 1999 cun sa cale, a norma de s'art. 15, comma quartu, de su D.P.R. 465/1997, sunt istadas pretzisadas sas protzeduras pro sa nòmina de Segretàriu titolare;

**Bida** sa nota prot. 36776/2015 de su 01.06.2015 de sa Prefetura de Casteddu-Ufitziu territoriale de su Governu-Albu de sos Segretàrios comunales e provintziales, setzione Regione Sardigna, chi cuntenit indicatziones subra de sas modalidades operativas in mèritu a s'iscadèntzia naturale de sa cunventzione pretzedente;

**Bidu** su d.lgs. n. 267/2000 e, in particolare, s'art. 99, chi a manera testuale rètziat:

*comma 2: francu cantu dispostu dae s'articulu 100, sa nòmina at durada chi currispondet a cussa de su mandatu de su sindigu o de su presidente de sa provintzia chi l'at numenadu. Su segretàriu sessat a manera automàtica dae s'incàrrigu cun sa sessada de su mandatu de su sindigu e de su presidente de sa provintzia, acabende a esertizare sas funtziones finas a sa nòmina de su segretàriu nou.*

*comma 3: Sa nòmina est disposta non prima de sessanta dies e non prus a dae de chentubinti dies dae sa data de aposentamentu de su sindigu e de su presidente de sa provintzia, colados sos cales su segretàriu est cunfirmadu;*

**Achisidos** sos parres favorèvoles dados in cunforma a s'art. 49 de su d.lgs. n. 267/2000 e mm.ii.ii.;

Incrarit sa proposta su Sindigu.

Cun votatzione de acordu favorèvole de sos presentes,

#### DELÌBERAT

**de rennoare** sa cunventzione pro su servìtziu de segreteria cunvenzionada tra sos comunes de Otieri e Romana, sena fàghere modificas a sos cuntenutos de sa pretzedente;

**de dare atu** chi est cunfirmadu su Comune de Otieri cale comune capufila de sa cunventzione in ogetu;

**de dare atu** chi no est netzessàriu sutascriere una cunventzione noa;

**de incarrigare** pro sos acumprimentos imbenientes e cunsighentes a s'atu deliberativu presente, in sos limites de sas cumpetèntzias respetivas, a su Servìtziu Amministrativu.

---

#### PARRE DE REGULARIDADE TÈCNICA

In cunfoma a s'art. 49 c.1 de su T.U.E.L. su Dirigente/P.O. **CALARESU CARMELA** in data **09/11/2020** at esprimidu parre **FAVORÈVOLE**

## PARRE DE REGULARIDADE CONTÀBILE

In cunforma a s'art. 49 c.1 de su T.U.E.L. su Dirigente/P.O. **CALARESU CARMELA** in data **09/11/2020** at esprimidu parre **FAVORÈVOLE**

---

Presidente  
Sindigu D.SSA CATTE LUCIA

Segretàriu Generale  
DOT. CARTA  
GIANCARLO

## NOTA DE PUBLICATZIONE N. \

In cunforma a s'art. 124 de su T.U. 267/2000 su Responsàbile de sa Publicatzione **DOT. CARTA GIANCARLO** atestat chi in data 12/11/2020 s'est protzèdidu a sa publicatzione in s'Albu Pretòriu.

Sa Delibera est esecutiva in cunforma a sas dispositziones de lege in vigèntzia.

Traduzione de s'operadora de s'isportellu linguisticu de Romana  
Maria Leonarda Correddu

---

Copia digitale di documento informatico prodotto ai sensi del D.Lgs 82/2005 e rispettive norme collegate